



Broj: 14-14-10127-7/16
Datum: 07.12.2016. godine

Na osnovu člana 70. i člana 25. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-14-10127-6/16 od 07.12.2016.godine, u postupku javne nabavke za „Nabavka roba za potrebe kafe kuhinja” za potrebe Zeničko-dobojskog kantona, direktor Službe za zajedničke poslove Zeničko-dobojskog kantona, donosi:

...ODLUKU ...
o izboru najpovoljnijeg ponuđača

1. Prihvata se preporuka Komisije za javnu nabavku iz Zapisnika broj: 14-14-10127-6/16 od 07.12.2016. godine i ugovor za „ Nabavku roba za potrebe kafe kuhinja” za potrebe Zeničko-dobojskog kantona dodjeljuje se ponuđaču: „Plan Plus” d.o.o. Zenica, ul. Hasana Muminagića 2a, 72000 Zenica, za ponudenu cijenu od 42.418,00 KM, kao najbolje ocijenjenom ponuđaču.
2. Ponuđač kojem se dodjeljuje ugovor dužan je dostaviti dokumente iz člana 45. i 46. navedene u tački 3.1 i 3.2. tenderske dokumentacije u roku od 5 (pet) dana od prijema Odluke o izboru najpovoljnijeg ponuđača. Dokumenti moraju biti dostavljeni na način definisan u tački 4.2. tenderske dokumentacije.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o nabavci.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.
5. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
6. Za realizaciju ove Odluke zadužuje se Služba za zajedničke poslove.

O b r a z l o ž e n j e

Služba za zajedničke poslove je na osnovu Odluke o pokretanju postupka javne nabavke broj; 14-14-10127/16 od 19.05.2016.godine, pokrenula postupak javne nabavke.

Javna nabavka je provedena po otvorenom postupku u skladu sa članom 25. Zakona o javnim nabavkama. Procijenjena vrijednost nabavke je 70.000,00 KM bez PDV-a.

Ugovorni organ je objavio obavještenje na portalu javnih nabavki broj: 771-1-1-13-3-11/16 dana 04.10.2016.godine i ispravku obavještenja broj: 771-1-1-13-8-14/16 dana 27.10.2016.godine.

Komisija za provođenje postupka javne nabavke, koja je imenovana Rješenjem broj: 14-14-10127-1/16 od 05.10.2016.godine, blagovremeno je izvršila javno otvaranje ponuda, te pregled i ocjenu ponuda i zapisnikom od 07.12.2016.godine, konstatovala da je u predviđenom roku pristiglo pet ponuda, ponuđača: TD „Nova trgovina-S” d.o.o. Kakanj, „Redex” d.o.o. Banovići, „Lala i Lačo” d.o.o. Bijeljina, „Inter-com” d.o.o. Zenica i „Plan Plus” d.o.o. Zenica.

Nakon pregleda i ocjene ponuda naprijed navedenih ponuđača, Komisija je u zapisniku od 07.12.2016.godine konstatovala da sljedeće ponude nisu prihvatljive iz razloga:

- Ponuđač „Redex” d.o.o. Banovići nije kvalifikovan iz razloga jer nije dostavio Obrazac za cijenu ponude (Aneks III) ispravno popunjen u skladu sa ispravkom za obavještenje o nabavci broj: 771-1-1-13-8-14/16 od 27.10.2016.godine.

Ponuda ponuđača „Redex” d.o.o. Banovići se odbacuje na osnovu člana 68. stav (4) tač. i) Zakona o javnim nabavkama (Sl. Glasnik BiH broj: 39/14) i člana 5. Uputstva za pripremu modela tenderske dokumentacije i ponuda (Sl. Glasnik BiH broj: 90/14 i 20/15) jer nije dostavio ispravno popunjenu ponudu na Obrazcu za cijenu ponude (Aneks III) u skladu sa ispravkom obavještenja o nabavci broj: 771-1-1-13-8-14/16 od 27.10.2016.godine.

- Ponuđač „TD „Nova trgovina-S” d.o.o. Kakanj, nije kvalifikovan iz sljedećeg razloga:
Uvidom u ponudu ponuđača, Obrazac za cijenu ponude (Aneks III), utvrđeno je da je na strani 9. na rednom br.5, 12 i 13, vršena ispravka jedinične cijene i na rednom broju 5. u koloni Naziv ponuđenog artikla, Naziv proizvođača, Zemlja porijekla ponuđenog artikla, bez da je iste potpisao i ovjerio pečatom, a što nije u skladu sa članom 17. stav 5. Uputstva za pripremu modela tenderske dokumentacije, (Sl. Glasnik BiH broj: 90/14 i 20/15) gdje je propisano: „... Jedinična cijena stavke se ne smatra računskom greškom, odnosno ne može se ispravljati.”



-Ponuda ponuđača „Inter com“ do.o.o Zenica, se odbacuje iz sljedećih razloga:

Zahtjevom broj; 14-14-10127-6-1/16 od 24.11.2016.godine, zatražene su ispravke u ponudi, od ponuđača „Inter com“ doo Zenica, u skladu sa tačkom 8.5. Tenderske dokumentacije, a o čemu je uredno obaviješten 26.11.2016.godine (Uvid u dostavnicu o prijemu pošte). Ponuđač „Inter com“ d.o.o Zenica propustio je da u ostavljenom roku od 3(tri) dana izvrši ispravku greške. Akt Saglasnosti za ispravku računske greške dostavljen je 30.11.2016.godine. (Uvid u pečat protokola ugovornog organa), te se u skladu sa navedenim odbacuje ponuda ponuđača „Inter com“ d.o.o Zenica, na osnovu člana 68. stav (4) tačka g) i j) Zakona o javnim nabavkama. (Sl. Glasnik BiH broj: 39/14).

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog:

-ekonomski najpovoljnije ponude, odnosno broja bodova izračunatih na osnovu kriterija utvrđenih u obavještenju o nabavci i tenderskom dokumentu, kako slijedi:

Cijena	90%
Uslovi i način plaćanja	5%
Rok isporuke	5%.

i rangiranje prihvatljivih ponuda prema kriteriju za izbor je sljedeće:

1. „Plan Plus“ d.o.o.Zenica, ukupno 100 bodova i
2. „Lala i Lačo“ d.o.o Bijeljina, ukupno 68,2 boda.

Iz navedenih razloga, primjenom člana 64. stav 1. tačka a) Zakona o javnim nabavkama, donesena je odluka kao u dispozitivu.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno: 1x Ponuđači
1x a/a

30

DIREKTOR

Čezim Karadžić

3356
4397

